

.043

76

LIBRARY
UNIVERSITY OF MICHIGAN
443344

Digitized by the Internet Archive
in 2016 with funding from
University of Illinois Urbana-Champaign

Bruchstück

aus

dem Cönnern'schen Stadtbuche,

mitgetheilt

von

R. E d. F ö r s t e m a n n.

(Aus den Neuen Mittheilungen des Thüringisch-Sächsischen Vereins
besonders abgedruckt).

H a l l e ,

gedruckt bei W. Plöb.

1834.

352.043

F776

THE UNIVERSITY OF CHICAGO

LIBRARY

520 EAST 58TH STREET, CHICAGO, ILL. 60637

1977

1977

1977

1977

1977

1977

1977

1977

1977

1977

1977

110
2

Schon v. Dreyhaupt meldet in seiner Geschichte u. Beschreibung der Stadt Gönnern (Beschreib. d. Saalkreises II, 820 ff.): „die Privilegia u. Statuta der Stadt sind in den vielen Feuersbrünsten u. Plünderungen zu denen Kriegszeiten verloren gegangen.“ Um so mehr freuen wir uns, das durch einen glücklichen Zufall uns zugekommene Bruchstück des Gönnernschen Stadtbuches, welches sich v. 30. Septbr. 1434 — 4. Febr. 1438 erstreckt, hier mittheilen zu können. Das Bruchstück besteht aus vier Pergamen-Blättern in Quartform. Möchte sich auch der übrige Theil des Stadtbuches, welches gewiß bis in die neuere Zeit vollständig vorhanden war, wieder finden! —

Item Hinrik peyne is bur vnde borger worden bi buters vnde synir kumpen tijden, des si we vorgeschreven Radlude öme bekant, wur des nod is, vnde is geschyn Anno dñi M^occcc^oxxiiiij^o sequenti proxima die Michaelis.

Ik Eurd becker borgermester, Sebastian hans keiser, Eurd keye, Merten Rens vnde Hans ffredeberch Radmannen to Cönre we bekennen vnde betugen in vnser Stat boke, Dat Hans Meyne vnser Stat vnde dem gerichte to Alsfleuen vnde dem ganczen lande Eynen eyd vnd eyne Drveide gedan het vmme de vnschicht, dar ön we

*

vpgnanten hern von vnser stat wegen angegrepen hadden. Den eid vnde orveide mit alle den synen, Nemelken mit syme bruder ydel meynen genant vnde mit Marcus syme sonen vnde mit synen frunden, de hir na geschreuen stan. To irsten Hans Hinrikes vnde die bruder genant de Rodiger, twene Hanse vnde Jacvp Rodiger, de Junge Warmstorp, frihe warmstorpis sone, vnde briccus boddeker to berneborch. Diffe vpgnanten fr vnde vnde sakeweldigen hebben Alsampt mit samderhand geloued vnser stat Conre vnde dat ganze lande nummer to Argene noch nummer vp tu rüdkene von der sake wegen als bouen geschreuen steet. To orkunde hebbe we vorgeschreuen Radmann dat laten schriften in vnser stat boke Anno dni M^occcc^oxxiiij feria quinta ante nycolai, vnde of dat de vpgnante Meyne mit alle den synen geloued het vnde gesworn, dat land vnde dat gericht to Alseleue vnde Conre to mydene vp ij mile weges na, vnde wu meyne des nicht helde, So schulden diffe vpgnanten frunde dem gerichte vnde vnser stat so derp verballin syn alse de sake weldige. Diffe eid vnde orveide is geschin in gegenwerdigeit des hoitmanns Carl von krosik, Esschewen Schenwis, Gunther stoyfen.

It Eurd becker borgermester vnde myne kumpen, de hir bouen geschreuen in vnser stat buke,*) dat vor vns sint geweest vnse medeborger Hans fredeberch vnde het sik fruntliken vnde wol geeynd Mit Ilsen dōnen vnde mit Nicolaen slichthar vnde mit steffen beel, Als vmmē dat Rode, dat der vpgnanten Ilsen an gestorfen was von der Hans betynnen wegen, der got gnade, Als dat de vpgnante frouwe mit alle oren Erfen vnde frunden Hanse fredeberge Ergnant edder de synen nummer mer andedingen wil, Dat dat war is, dat betüge we opgnanten hern mit vnser stat boke vnde is geschyn vnde geschrefen Anno dni M^occcc^oxxiiij^o In Sinte lucyen dage.

*) Es fehlt in der Handschrift das Wort „bekennen.“

Item Dreus lützkrowen is of bur vnde borger wurden bi Curt beckers borgermeesters vnde syner kumpen tijden, de hir bouen geschreuen stan, des sy wy om bekand, vnde is geschin Anno dnj ^{cccc}^{xxxv} feria iiijta in dem wynachten vardinge.

Item Hans pölte is of vp dal sülue mal bur vnde börger wurden bi der süluen herrn tijden.

Item Dreus Twintich *) is of bur vnde börger wurdin vnd of is belegen mit der brauwer ynninghe bi Eurd beckers vnde syner kumpen tijden, de hir bouen geschreuen stan, vnde is geschin Anno dnj ^M^{cccc}^{xxxv} fer' iiijta post Conuersionis pauli.

Anno dnj ^M^{cccc}^{xxxv} Is Mauris Dong von syner Elikē hussfrowen wegen belegen vnde het entphangen der brauwer ynninghe bi Eurd beckers borgermeesters vnde syner kumpen tijden, de hir bouen geschreuen stan.

Item Anno dnj ^M^{cccc}^{xxxv} feria sabato post cathedra petri Is Hinrik heyne von syner Elikē hussfrowen wegen belegen vnde het entfangen der brauwerer ynninghe bi Eurd beckers vnde syner kumpen tijden.

Item Jacop vltaw is bur vnde borger wurden bi Eurd beckers vnde syner kumpen tijden, des sij we vorgeschreuen Radmenner omē bekant, vnde is geschin Anno dnj ^M^{cccc}^{xxxv} feria iiijta post quasi modo geniti.

Item Hinrik guttler is of bur vnde borger wurden bi Eurd beckers vnde syner kumpen tijden, des sy we vorgeschreuen radlude omē bekant vnd hebben dat laten schripen in vnser stad boē Anno dnj ^{ic}^{xxxv} feria iiijta post quasimodogeniti.

Is Eurd becker borgermester vnde myne kumpen Radlude to Conre bekennen in vnser stad boke, dat Hinrik beckerer is bur vnde borger wurden vnde of vort het enphanzen der brouwer ynninghe bi vnser tijden, des sy we vorgnanten Radlude to konre omē bekant, wur des not is, vnde

*) = Andreas Zwanzig.

betugen dat in vnser stad boke geschreuen Anno dñi M^occcc^oxxxv^o in die Mauricij sociorumque eius.

Item Markus meynen is bur vnde borger worden bi kurb bekers vnde synir kumpen tijden Anno dñi M^occcc^oxxxv^o des dinstags na dyonisij.

Frihe prüße borgermester, frihe boddeker, Johan poln, Claus gosener, Hinrik Elemente, Jacop schomeker Radlude to konre, we bekennen in vnser stat boke, dat sijk Sebastian vnde Claus Roden in gütlicheit vnde in fruntschop mit guden willen wol geeynt hebben vor vns im sitten rade, Nemlik vmme sake als se vneyn warn vmme dat gebuwe vnde vmme die schüne bi der domhern hofe*) vnde vmme steyne vnde allerleye sake, de se to den tijden mit en ander hadden, dat is vor vns vul vnde al wol bericht, diffes sy we vorgeschreuen Radlude to konre bekant, wur des not is, Anno dñi 1c. xxxvj. in die martini.

Item Jacop Ruwendal is bur vnde borger wurden ok bi friß prüßin vnde syner kumpen tijden Anno dñi trecesimosexto Na dem vardinge na wynachten.

Item Symon Ezake is ok bur vnde borger worden vp dat sulfe mal.

Item frihe prüße borgermester vnde ratlude to konre we bekennen openbar in dissem vnsern stat boke, Dat vor vns is gededinget twisen Henning Arndes vnde synen veddern vnde alle synen frunden vp eyri deil, vnde der negist twisen Hinrik Elementen vnde alle synen frunden vp dat ander deil In sulker mate also, dat de vpgnante Henning arndes vnde syne frund afeticht don von dem gude, dat Claus Arndes seliger dechnisse gewest is vnde syner kinder vnde erffen. dit hebben se gedan mit wolbedachtem mode vnde guden willen. Nemelike dat disse vpgnanten Henning vnde syne erfen asericht don von erse vnde von

*) Ueber diesen Domherrn: Hof zu Gönneru vgl. v. Dreyhaupt II, 824 §. 6.

gude, hir bosen so het Elemente gelofet iungen Claus Arndes eyne hause landes gelegen vp gûz marke*), so als he de hause gefunden het, so schal he se wedder laten. wen he se Ses Jar gehat heft, so schal se Elemente wedder laten, so als he se gefunden heft. Dê vort mer so het Elemente dem iungen claus Arndes gelofet Teyn schock vor eyn pert, wen de ses Jar vmme komen, were of dat ik vpgnante Elemente des geldes als der x gulden dorste, des scholde of so na syn to vorschaden vnde to vor tinsken, also na als eyn ander wert, dat dat de vpgnante Junge wolde vt don, Dê so het de vpgnante Elemente vt den gudern gelofet Margareten arndes xv schock alder Cruke gl. wert dat se lefede, dar scholde man se mede beraden vnde dar to gesen eyn asent eten vnde dar to Eyne kom vnde vyer schap, Dar bosen so is eyn Garde gelegen to Gaulbenstorp**), dar is Hanne, de Claus arndes seliger wif geweest is, half mede bemorgen gafet***), des garden half schul de vpgnante frouwe ane weddersprake gebruken, de wile se lefet, wert sake, dat der bedderfen frouwen to kort wurde von dodes wegen, dar got lange vor sy, So schal de vpgnante garde sterfen an den vpgnanten Jungen Claus Arndes, vnde dar schal om neymand, wedder Elemente noch neymand de sîk dar to teyn wolde, yn halde noch bekummer wedder mit werltlikem, noch mit geistlikem gerichte vnde ane geseerde. Dê so is dar eyn Meydecken afgegangen von dodes wegen, dem got gnade, dem was so vele vtgelofet als dem andern, wem dat nû mogelken vnde von rechtes wegen geboren schal, dar wil vnde schal om Elemente vnde neymant ynhalden, noch ir'gerleye

*) „Auf der Gûz Mark.“ v. Dreyhaupt in d. Beschreibung des Saalkreises II, 822. §. 6. nennt sie unter den wûsten Dorfmarken bei Cönnern unter dem Namen Geizer-Mark; sie fehlt aber in seinem Verzeichniß der wûsten Marken des Saalkreises. **) oder: „Gauwenstorp.“ Bei v. Dreyhaupt kommt dieses Dorf nicht vor. ***) = bemorgengabet.

twidracht vnde argelist. To orkunde vnde beter bekenntnisse, dat alle stücke vnde Arttykel schallen gehalten werden, so als vor vns gebedinget is, als hir bosen geschrefen stat, des sy we bekant, wur des not is, vnde is geschin Anno dñi M^occcc^oxxxvj^o feria prima post reminiscere.

Ik frike prúße borgermester vnde myne kumpen Rathern to Eónre betügen vnde bekennen in dissem vnser stat bouke, dat Maurik Gamaut bur vnde borger is wurden bi vnser tijden vnde of vort von vns entfangen het de brauwer ynnigen, de we vorgeschreuen Rat do Eónre om gelegen hebben vnde sint om des bekant von vnser stat wegen, wur om des not is, vnde is geschin Anno dñi M^occcc^oxxxvj In sente vytes dage.

Ik frike prúße borgermester vnde myne Medekumpen Radlude to Eónre bekennen vnde betugen in dissem vnser stat boke, dat vor vns sint geweest in síttem Rade Maurik gamaut vnde Matheus labuß mit syner muder vnde hebben sí fruntliken vnde wol geeynt vmme alle ansprake vnde geschefte, de de Ergnante Matheus labuß het gehat iegen Maurik gamau de von syns vederliken Erfsis wegen, vnde heft gang afticht gedan mit guden willen nummer mer an to spreken, Hir vor so het Maurik gamaut dem Jungen ergnant matheus labuße iij schock alder Erúß grossen gesen von den gubern, dat alle sake vnde tosprake, de se to samen gehat, von des wegen vul vnde al wol schal bericht sin vnde is geschin vnde geschreuen Anno dñi M^occcc^oxxxvj des Dinstages nach sente vytes dage.

Item balhar von Eódenik is of bur vnde bórger worden bi vnser tijden vnde of vort von vns vpgnanten rathern als frike prúßin vnde syner kumpen tijden der brauwer ynninge von vns entfangen het vnde is dar mede belegen, des sy we om bekannt vnde is geschin Anno dñi M^occcc^oxxxvj^o infra octauam visitacionis marie.

Item frike prúße borgermester vnde myne medekum-

pen rathern to konre bekennen in dissem vnser stat boke dat vor vns is geweest in sittem rade trützing*), vnde het vns bericht von Nicolaus slichthar syn swager vnde syns wyfs bruder, het xxij schock an Trüginges Erffe geyn vnser stat kelt, ouer de om de vpgnante Nicolaus to gude vnde to hulpe gelegen heft, als trüginge dat Erffe gekoft hadde, wu it nu vmme Trüginge edder syne Elise hussfrouwe quemen aff or beider to fort worde, aff sik eymand na to der hand des Erffen vnderwinde wolde, So sy wy des bekant, dat de vpgnante Nikolaus slichthar so vele als xxij scock het an dem vpgnanten erffe het. to orkunde so hebbe wy vpgnante rathern dit nach Trüginges ane wisinge laten schriften in vnser stat boke Anno dn̄i M^occcc^oxxxvi infra octauam visitacionis marie feria tertia.

Item frihe böddeker het de brouwer ynnige von frihe prüßen vnde synen kumpen entfangen von syner Elisen hussfrouwen wegen, des sy we om bekant, wur des not is, in vnser stat boke Anno dn̄i ic. xxxvi^o des Mandages negist vor galli.

Item frihe prüße bürgermeister vnde myne kumpen Rathern to konre bekennen in vnser stat boke, dat vor vns is geweest vor gehegeder bank Jacop vlatow myt Annam syner Elisen hussfrouwen vnde het sy begiftiget vnde begafet mit huse vnde hofe vnde mit alle dem, dat he het edder vmmer gewynnet, des sülsen glik het Anne syne elise hussfrouwe öme wedder getan, dit is geschijn mit orer beider wille vnde wolbedachtem mode, des sy we vorgeschresen Rathern bekant in vnser stat boke, Geschreuen na goddes bort Anno dn̄i ic. xxxvi feria ij proxima ante galli.

Ich Claus rodeke richter, peter furdes borgermeister vnde myne kumpen gesworne schepen to konre bekennen openbar, dat vor is gekommen vor gehegeder bank Hans Merdis, Merten renz vnde dreus wengen, vnde hebben

*) Dieser Name steht am Rande.

eyndrechtliken bekant, dat Hans Merdiß het gelosif vor frike boddeker, peter myste xrv schof vnde eyn perb vor ses schof vmme den willen, dat peter myst afticht det, he vnde alle syne erffen friczen boddekers gudes, to eyne bekentnisse so hebe we vorgeschreuen Richter vnde schepen dit laten schriften in vnser stat boke. Anno dñi M° cccc° xxxvij feria tertia proxima post Epiphanie domini.

Wi peter Conradus*) borgermester vnde myne kumpen bekennen, dat Syferin Dufel bur vnde borger**) is worden bi vnser tijden, des sij we ome bekant, wur des not, vnde is geschin Anno dñi M° cccc° xxxvij° feria quinta post Reminiscere.

Item peter kurdess borgermester vnde myne kumpen bekennen in vnser stad boke, dat peter kulen styfmuder het afticht gedan von den gudern, de Tile kulen warn, dem god gnade, Hir vor het de ergnante peter kule ore genuge gemakt, so dat se het mit gudem willen afticht gedan, nummer mer dat gud an to sprekene se edder ymand von orer wegen, vnde is geschin Anno dñi M° cccc° xxxvij° dominica Trinitatis.

WE peter kurdess borgermester vnde myne medekumpen Radlude to kdnre betugen in vnser stad boke, dat Hans aben is belegen vnde het von vns entfangen bur vnde borgerfcof***), des sij we om bekant, wur om des nod is, vnde is geschin vnde geschrefen Anno dñi M° cccc° xxxvij feria quarta proxima post bartholomei.

Item briccus von berneborch is of bur vnde borger wurden bi peter kurdess vnde syner kumpen tijden Anno dñi ic. xxxvij° feria 3a post Mauricij.

Item Matheus gulde man is of bur vnde borger wurden bi peter kurdess vnde syner kumpen tijden Anno dñi M° cccc° xxxvij° feria sexta proxima ante festum galli.

*) Vorher und nachher wird er Peter Kurdess genannt. **) Zuerst war geschrieben „borgermester.“ ***.) Dazu ist an den Rand von anderer Hand geschrieben: „vnde brouwer ynnunge bi fricze prußen tijden.“

Ist peter kurd des borgermester vnde myne kumpen geswor-
ne Schepen to konre bekennen openbar in vnser stad boke, dat
Hans Dm is gekomen vor gehegeder bank vnde begiftiget vnde
begafet vnde lyen laten Alheiden syne Elikē Hussfrouwen mit
alle dem, dat he heft im velde edder in dorpe odder wur he
dat heft edder vmmer gewinnet, Des sulsen gelyk heft se om-
gedan, vnde we des andern dod leset, dat schal behalden, wat
dar is. To bekentnisse hebbe we dat schriften laten in vaser
stad bok Anno dn̄ M^o cccc^o xxxvij^o feria quarta in sente Gal-
len dage.

We Curd becker borgermester, Dreus wenken,
Syse mans, Arnd Dufel, Hans fredeberch vnde
Mauris Dōncz gesworne Schepen to konre bekennen in
vnser stadbuke, dat vor vns is geweest vor gehegeder bank pe-
ter Curdes vnse Medeborger mit Dorotheen siner Elikē
Hussfrouwen vnde het dri stund in dren dingdagen laten vpbiden
vnde vpgedoden syn gud, als sik dat gebord, do dar neyne an-
spraken quam von synen ersen, So heft he Dorotheen sine
eliken Hussfrouwen begiftiget vnnd begafet mit alle sime gude,
dat he het vnde vmmer mer gewinnet an deme lesende vnde
nach sime dode to orme lyse sunder erffgud, des sulsen glik
heft se ome wedder gedan vnde hebben sik des so am beider
zcijt mit wolbedachtem mude vnde gudem willen eynt, we des
andern dode leset, de schal behalden, wat dar is, Disses sij
we vorgeschreuen Schepen vnde Radlude on bekant, wur on
des not is, vnde betugen dat mit vnser stad buke vnde is
geschrefen Na goddes bord Anno dn̄ M^o cccc^o xxxviij^o des Ne-
gisten Donrstsags Na Epiphanie domini.


Item we borgermester vnde gesworne schepen Curd be-
cker vnde myne kumpen bekennen in dissem vnser stad buke,
dat Hinrik Thesen bi vnser tijden von vns entsangen het
der brouwer ynninge von syns Elikē wifes wegen Saffen*)
vnde he sulsen het de to vorne gehat von syns vaders wegen

*) = Sophien.

Claus Teseu, dem god gnade, dißes sij we om bekant, wur on des not is, vnde is geschreuen Anno dn̄j 1c. xxxviii^o feria quinta proxima post Epiphanie domini.

Item Gurd becker vnde myne kumpen bekennen in vnser Stad buke, dat Magnus Busse Jans bi vnser tijden is bur vnde borger geworden, Vnde ok brouwerscoph von vns entphangen heft, des sij we vorgeschreuen Radlude om bekant, wur om des not is, Anno dn̄j M^o cccc^o xxxviii An sente Ugeten asende.

Item Thomas Nyemann is komen vor hegeder bank dry stund in dingdagen mit greten syner eliken Husfrouwen vnde het vplaten beiden alle sin gud, wur he dat hebde, do der neyne ansprake quam, So heft der ergnante Thomas nyeman Claus bomgarden synen stifson vnnde syne erfen begiftiget vnde begafet mit alle syne gude vnnd syns wyfs guden, wur se dat hebben edder vmmer gewynnen Anno dn̄j 1c. xxxviii^o in vigilia Ugate.





3 0112 061942030